

2. *S. cyaneus*, spicâ terminali densè glanduloso-pilosâ, foliis glabris erosè denticulatis, subtùs glaucis; inferioribus ovatis acutis indivisis petiolatis: posticibus rotundatis; superioribus oblongis sinuato-lobatis acuminatis sessilibus, floribus geminis, involucri pedunculo longioribus.

Hab. in Nepaliâ alpihus. *Wallich.* ♀.

Caulis erectus, teres, bipedalis, simplex, supernè densissimè glanduloso-pilosus. *Folia* basi in petiolum attenuata. *Pedunculi* hispidi et squamulosi. *Flosculi* cyanei.

- Obs.* Facie omninò *S. alpini*, qui tamen differt: foliis caulinis basi amplexicaulibus, inferioribus runcinato-lobatis lobo terminali cum superioribus hastato posticibus acuminatis divaricatis, involucri pedunculo duplò triplo-ve brevioribus.

LACTUCA.

LACTUCÆ et SONCHI Sp. *Auct.*

Involucrum oblongum, oligophyllum, imbricatum, connivens.

Receptaculum nudum. *Achenia* lævia, apice attenuata.

Pappus stipitatus, capillaceus.

Herbæ erectæ, ramosæ v. simplices. Folia sæpè amplexicaulia, pinnatifida, nunc indivisa. Flores terminales corymbosi s. paniculati, aurei v. cærulei.

Obs. Huc *Prenanthes muralis* *Lim.*

1. *L. dissecta*, foliis interruptè bipinnatifidis pilosiusculis: lobis rhombis dentatis, petiolis amplexicaulibus basi sagittatis, paniculâ corymbosâ diffusâ, pedunculis nudiusculis unifloris, caule piloso, pappo longè stipitato.

Hab. in Nepaliâ. *Wallich.* ☉.

Radix fibrosa. *Caulis* erectus, ramosus, pedalis v. bipedalis. *Flores* parvi, cærulei. *Achenia* punctata, apice bidentata.

CREPIS, *Linn. Gen.* 403. *Juss. Gen.* 169.

1. *C. porrifolia*, foliis inferioribus lanceolatis mucronatis integerrimis glabris glaucis; superioribus linearibus: basi denticulis setaceis utrinque ciliatâ, floribus divaricato-paniculatis, calyculo brevissimo: squamis ovatis acutis, caule erecto lævi.

Hab. in Nepaliâ. *Wallich.* ☉.

Herba glauca, glaberrima, pedalis, supernè aphylla, divaricato-paniculata. *Flores* numerosi, magnitudinè *C. pulchræ*, aurei.